



REGIONE AUTÒNOMA DE SARDIGNA
REGIONE AUTONOMA DELLA SARDEGNA



Comunu de Serramanna

Crèsia de Santu Labardu



In su 1639 su frantziscanu Sarbadori Vidal iat definiu sa Crèsia Basìlica poita fraigada apitzus de una pretzedenti crèsia chi custoiat ossus de Santus e Màrtiris. Si contat ca su cumentzu de su fàbricu de sa struttura arribat de su sèculu de XVI. Imbetzes est de datai in is sèculus de XVII e de XVIII su fràigu de sa cùpula, de s'àbsidi e de sa navada cun is duas cappellas mannas.

In orìgini sa crèsia iat tentu pranta simpri comentì a totus is de influèntzia gòticu-cadalana. De s'ghida iat pigau sa forma de oi a gruxi latina. Su campanili, de s'acabu de su sèculu de XVI, ùnicu a fundu otagonali in totu sa Sardigna de jossu, fiat stètiu retentu po tempus meda su prus artu de s'Ìsula. Su primau fiat stètiu pèrdiu in su 1918 candu a pustis de is disacatus po mori de is lampus fiat stètiu in parti derrùidu. Si fiat protzèdiu a sa fraigadura torra, no in manera perfeta fideli a s'originali, me in is annus '50.



REGIONE AUTÒNOMA DE SARDIGNA
REGIONE AUTONOMA DELLA SARDEGNA



Comunu de Serramanna



In sa bia Roma s'agatàt sa cresiedda de is Ànimas de su Prugatòriu, derrùida in su 1925 po is traballus de amanniamentu de sa ia. Fiat sa sedi de sa Cunfraria de is cunfradis arrùbius tzerrius aici po su bistiri arrùbiu chi bistiant; si ocupant de su cultu de is ànimas de is defuntus cun tzelebratzioni de missas in sufràgiu. In sa diri de Pasca Manna partetzipant a S'incontru acumpangendi a professori su bultu de Gesùs fintzas a atobiai su de Maria, acumpangiada de is cunfradis biancus de sa Cunfraria de sa Madonna de su Rosàriu. Si signalat sa presèntzia de interrùs antigus me in is capellas de S. Maria e de sa Madonna de su Rosàriu.

Acanta a sa crèsia s'agatàt su Campusantu bèciu, su Gimitòriu, impreau fintzas a su sèculu de XIX. Serrau de murus in pedra, si brintat de unu portali gòticu. In sa pratza de crèsia ancora oi si podit biri sa puba de sa basi de una columna gruxifera chi non esistit prus.